

四教義卷第三

三



天雨流芳



四教義卷第三

弊十

天台山修禪寺沙門智顓撰

復次上所引經論之文非佛菩薩意耶次明
共念處觀大智論觀身為苦因緣生道若
漏若無漏受心法念處亦如是解者不同有
師解云共善五陰諸善心數法合明念處若

南嶽師解即是九想背捨勝處諸對治觀門
助正道開三解脫故名爲共念處故經云亦
當念空法修心觀不淨是名諸如來甘露灌
頂藥服者心無憂得至涅槃岸此即是共念
處之明文也言空法者毗曇有門止觀生空
修名 心爲觀不淨者即是初背捨不壞內外色相

不內外滅色相以是不淨心觀外色是名初
背捨從初背捨習不淨觀不淨觀有二種一
小不淨觀二大不淨觀破淨顛倒內無色相
入二背捨乃至成就八背捨八勝處十一切
處九次第定師子奮迅超越三昧觀欲界入
初禪皆見不淨破淨顛倒是名共身念處觀

受心法念處亦如是也次明緣念處觀者智
論云一切色法名之為身十入及一入少分
名之為身六種受為六識為心想行二陰
及三無為名法解者不同有師解通一切所
觀境界皆名緣念處觀有言十二因緣境有
言慈悲所緣境若南岳師解緣佛說教所詮

一切陰入界四諦事理名義言語音辭因果
體用觀達無闕能生四辯於一切法心無所
疑成無礙解脫是緣念處觀也七明別相四
念處位者有三種根性不同若慧解脫根性
別相四念處但修性念處若俱解脫根性修
性念處亦修共念處若無疑解脫根性俱修

三種念處成別相念處若能於別相念處中
生四種精進名四正勤修四種定名四如意
足五種善法生名之為根善法增長遮諸煩
惱名之為力分別道用名七覺分安隱道中
行名八正道若入八正道即能觀四諦成別
相四念處也三明明摠相念處位者有人言共

念處即是摠相念處今謂不尔應作四句分
別一者境別觀亦別二者境別而觀摠三者
境摠而觀別四者觀摠境亦摠初境別觀亦
別正是別相性四念處位次境別觀摠境摠
觀別此二即是摠相四念處之方便四觀摠
境亦摠此觀若成即是摠相四念處之位今

明境摠觀摠即是摠上所明性念處所觀五
陰作一身念處觀此身汙穢不淨及若無常
無我破淨顛倒及三倒也是名摠相性身念
處是摠身念處觀或摠二陰或摠三陰或摠
四陰或摠五陰具釋云受心法念處亦如是
摠相共念處摠相緣念處亦如是類之可解

是名揔相四念處位此位亦有三種根性類
別相念處可知若無方便即入揔相念處位
若無方便即非揔位也云何有方便若於揔
相念處之中具足修揔相正勤如意足根力
覺道皆如性四念處中說但以揔相善法深
細為異耳若安隱入正道中行即能觀四諦



是得性法念處故能生於暖法故智論云八
正道中行初得善有漏五陰名爲暖法當知
有方便者已得三十七品也問曰八正見道
七覺修道今何念處位中說耶荅曰毗婆沙
論云若八正在前七覺在後決定是無漏若
七覺在前八正在後通有漏無漏也此三賢

人位並名乾慧地未得善有漏五陰相似理
水定水未沾故名爲乾需爾悉有觀行能伏諸
見故名爲慧住持能生善法名之爲地名乾
慧地亦名外凡人地四名暖法者是善五陰
是智慧慧性生聖智火故名暖法行者因善方
便揔相四念處唯緣法念處依六地定瞿沙


說暖頂亦依七地初發善有漏五陰等智似
解得十六智火之氣分密之為暖亦四正勤
也譬如鑽火暖氣起即有煙相用念處觀
鑽五陰境發智慧起正勤故名暖法也又
如冬冰春陽氣動則有消融之相暖法解發
身邊六十二見冰執漸覺消融也涅槃云得

暖法人七十三人我弟子有外道則無以佛
法有別相摠相四念處觀能破一切諸見顛
倒故得暖法十八種大師雖各稱一切智人
戲論破慧眼不見於真實故法華云深著虛
妄法堅受不可捨我慢自矜高諂曲心不實
於千萬億劫不聞佛名字亦不聞正法如是

人難度是故舍利弗我爲說方便說諸盡苦
道當知外人如此執見罪鄣深重豈得生暖
法也末法多學問坐禪之人不能如是修習
念處執著諍競者亦同外人之過尚不能生
煖法之善大乘功德終不發也略說煖位竟
五明頂法位者亦是善五陰亦智慧性在煖

法之上名之為頂證暖法已用正方便正憶
念勤修增進煖法善根依六地定亦依七地
若煖法增長次生善根名為頂法緣四諦十
六行得四如意足定見四諦分明如登山頂
觀矚四方悉皆明了故名頂法若生法愛即
頂墮也六明忍法位者亦是善五陰亦智慧

性於四諦堪忍欲樂名忍法位於頂法法位用
正方便勤修增進頂法善依六地定若頂法
善根增進即生柔順亦緣四諦十六行尔
時信等五種善法並得成根以慧根故於四
聖諦堪忍欲樂故名忍法忍法有三品下忍
於十六行作法諦觀中忍十番縮觀上忍但



觀欲界苦下四行隨觀一行若下中二品忍
雖起煩惱惡業而不受三塗報由受人天百
千生若上品忍成仁有人天七生業在增上
一刹那即入世第法也問曰煖頂亦堪忍
何故不名堪忍答曰若通論四善根亦名四
忍但忍法不退別受忍名若煖法遇惡因緣

退能造五逆謗方等經作一闍提墮無間地
獄若頂法遇惡因緣退躡不斷善根猶作五
逆等罪也今此忍法智強惑弱諸惡所不能
動以忍力大故一切惡心非數緣滅如師子
王餘獸遠避也問曰若煖頂退者云何名性
地荅曰此人雖造惡墮地獄一入受罪竟終

不重入有性地善根故能得聖果是故經云
寧為調達不為鬱頭藍弗調達造三逆罪墮
於地獄出生人中得辟支佛諸根猛利過舍
利弗也七明世第一法位者於凡夫所得最
勝善根名為世間第一法也亦是善有漏五
陰亦智慧性上忍一剎那依六地定以生一

剎那最勝善根名世間第一法此一剎那具
足五力苦下四行隨緣一行一剎那不住故
似見道所以者何行人有二種一愛行二見
行愛行有二種一我慢二懈怠增見行亦二
種謂我及我所著我慢者修無常行入世第
一法懈怠增者修苦行入著我者修無我行

入著我所者修空行入彼惣相念處次第生
決分世間善有九品下下中下上名煖法
中下中中名頂法中上上下下名忍法上上名
世間第一法若觀陰無常等善根名煖法觀
三寶功德名頂法觀祭聖諦名忍法觀苦聖
諦次第聖道名世間第一法煖法若退法捨

若命終捨若度欲界地捨頂法亦如是忍法
無退法捨餘二捨同上釋世第一法一刹那無
捨復次是四善根圖皆用性緣法念處修道
亦是四念異名也即一得一失更受勝名之
義也毗婆沙解釋世第一法釋遂有數十家異
釋不同七賢名義無量豈凡所知也問曰七

賢之位前淺後深何故偏釋乾慧地不委分
別性地荅曰乾慧地最淺如上分別已自難
知非世測正是初心所學也正分流一切佛
法行人即目急用一切學問坐禪之人所迷
沒處須略分別也若入性地解慧自生非凡
能測多言妄說何畢承信所以一家講經說

法必須委釋初心若賢聖深位但點章而已
其坐禪者略知佛法大意即須覺悟無常懺
悔行道豈可馳逐不急之言其欲講說利物
得此正意分明名相有所不達更白尋訪略
說七賢位竟二明古聖位者一隨信行二隨
法行三信解四見得五身證六時解脫羅漢

七不時解脫羅漢此七位通名聖者聖以正
為義即練道懸鏡也苦忍真明捨凡夫性得
入聖人性真智見理斷於同類之因故名為
聖此七聖人復有二種不同謂學無學前五
種聖人悉是學人後二種聖人是無學位也
言學人者始從苦法忍發得真智自尔方有

天雨清芬

聖人也有聖諦具有漏無漏二種五陰見聖
迹故名爲學人於諦不推求故名無學人也
又無學人者真智見理既極三界正使已盡
無惑可治不須更學四真智也復就七聖之
位分爲三道所謂見道修道無學道一見道
者即是八正道見理斷見諦惑至十五心如

破石方便也二修道者即是七覺分隨觀一
諦所斷思惟如斷藕絲方便也三無學道者
如前分別也一明信行位即是鈍根人入見
道之名也所言鈍者非自智勲憑他生解名
為鈍也是在方便道先雖有信以未發真不
名為行行以進趣為義從得苦忍真明十五

剎那進趣見真名隨信行故說但有近行人
 無遠行人又若在十惡心中命終無有是處
 苦法忍者欲界見斷使對治是法是則初
 無漏無閔道也復次世間第一法次第不作
 不向不行以能捨邪業邪趣邪見也又復世
 間第一法分別苦法忍作五種定謂地定行



定緣定刹那定次第緣定次第緣定者世間
第一法後即入苦忍也雜心偈云謂色無色
苦集滅道亦然此法無間等是說十六心十
五心成屬見道第十六心即屬修道也若謂
不應然者如盡智成亦不應屬無學道也是
信行人見道十五心亦名八人地八忍具足

智少一分也。即是須陀洹。向亦名行中須陀洹也。二明隨法行位者。即是利根人。入見道之名也。言利根者。自以智勲見理斷結。故云利也。本在方便道中。能自用觀智觀四真諦。法但未發。真不名爲行。因世間第一法發。苦忍真明。十五剎那進趣見真。故名法行也。分

別行類前行解釋可知但鈍根憑他生解智
少觀察利根自智多觀察為異耳三明信解
位者即是信行人圖修道轉名信解也鈍根
憑他信進發真解故圖名信解此信解人證果
有三一證須陀洹果二證斯陀含果三證阿
那含果一明信解證須陀洹果者第十六道

此智相應即證須陀洹果也須陀洹天竺之
言此翻修習無漏若成禪明猶是見道若數
人明義證果即入修道即用此一往釋修習
無漏義便也若見使斷略說三結盡廣說八
十八使盡名須陀洹受生死七返終不至八
生二明信解證斯陀含果即有二種一向二

果一向者從初果心後更修十六諦觀七菩
提行現前即此世無漏斷煩惱一品無閔斷
欲界煩惱一品二品無閔斷二品乃至五品
皆是斯陀含向亦名勝進須陀洹約此說家
家也二果者若斷六品盡證欲界第六品解
脫即是斯陀含果也斯陀含天竺之言此翻

云薄欲界煩惱分爲九品前六品盡餘三品
在前斷已多其所未斷少故名爲薄三明信
解人證阿那含亦有二種一向二果一向者
若斷欲界七品乃至八品皆是阿那含向亦
名勝進斯陀含約此說一種子也二明果者
九無閔斷欲界結證第九解脫即名阿那含

果也阿那含天竺之言此土翻云不還此人
欲界五下分結盡更不還生欲界故言不還
也復次須陀洹有三種一行中須陀洹即是
須陀洹向二住果正是須陀洹果也三勝進
勝進須陀洹亦名家家家即是斯陀含向也斯
陀含但有二種一住果二勝進勝進斯陀含

亦名一種子即阿那含向也阿那含亦二種
一住果二勝進勝進阿那含進斷五上分結
所謂色染無色染等結即阿羅漢向也阿羅
漢但有一住果問曰此說次第得果毗曇明
超越得果云何分別答曰若凡夫時斷欲界
六品乃至八品盡來入見諦道後發苦忍真

明十五心中是斯陀含向十六心即證斯陀
含果也若凡夫時念斷欲界第九品乃至無
所有處盡後入見諦十五心名阿那含行第
十六心即證阿那含果此是超越人不證前
二果也是信解人雖是利根而有五種根性
不同所謂退思護住勝進也若證阿那含果

復有五種般及七種般八種般五種般者一
中般二生般三行般四不行般五上流般也
七種般者開中般為三種也八種般者五種
如前足現般無色般不定般也四明見得位
者法行人轉入修道名為見得是利根人自
以慧勲見法得利故名見得是見得人在思

惟道次第證三果超越得二果亦如信解中
分別但以利根不藉聞法不假眾具自能見
法得理為異也見得利根但是不動根性若
證阿那含果亦有五種般及七種八種不同
也五明身證位者還是信解見得二人入思
惟道用無漏智斷五下分結故發四禪四無

色定即用共念處修八背捨八勝處十一切
處入九次第定三空定事性兩郭先已斷盡
又斷非想事郭滅緣理諸心心數法入滅盡
定得此定故名身證阿那含也所以者何入
滅盡定似涅槃法安置身內息三界一切勞
務身證想受滅故名身證也若約初果解身

證者但以先於凡夫用等智斷結得四禪四
無色定後得見諦第十六心證那含果即修
共念處還從欲界修持捨勝處一切處入九
次第定成身證也是阿那含有二種一者住
果但是阿那含也二者帶果行向即是勝進
阿那含也猶名那含行向故即是羅漢向攝

故智度論云那含有十一種五種阿那含正
是阿那含六種阿那含阿羅漢向攝當知此
身證阿那含即是勝進阿那含阿羅漢向攝五
種般那含七種般那含皆但有上流般八種
般那含但有現般無色般也如是阿毗曇約
信解見得分別數那含乃至有一萬二千九

百六十種廢說大事豈煩分別也六明時解
脫羅漢者即是信行鈍根待時及衆緣具方
得解脫故名時解脫所言阿羅漢者是天竺
語此土無翻名今三義一殺賊二不生三應
供也具此三義位居無學羅漢有五種謂隨
信行生五種退法思法護法住法必勝進也

彼得二智盡智無學智等見也若用金剛三
昧於非想第九品惑盡次一刹那證非想第
九解脫成盡智次一刹那得無學等見也彼
或時退故不說得無生智此五種阿羅漢是
信種性根鈍因中修道必假衣食林具處所
說法及人隨順善根增進不能一切時所欲

進也是五種羅漢各有二種不得滅盡定但
是慧解脫得滅盡定即是俱解脫若不得滅
盡定是人因中偏修性念處觀不修共念處
觀若得滅盡定者是人因中修性念處觀亦
修共念處觀若證果時三明八解一時俱得
故名俱解脫也七明不時解脫阿羅漢者即

是法行利根名不動法阿羅漢也所言不時
解脫者不動法人一向利根因中用道能一
切時中隨所欲進修善業不待眾具故名不
時解脫也是人不為煩惱所動故名不動是
不退義成就三智故謂盡智無生智無學智
等見能用重空三昧擊聖善法以定捨定故

言能擊是不動法阿羅漢亦有二種不同一
不得滅盡定但名慧解脫二若得滅盡定即
是俱解脫若聞佛說三藏教門修緣念處即
發四辯名無疑解脫是名波羅蜜聲聞能究
竟具足一切阿羅漢功德也問曰是時不時
二人利鈍不同云何並得俱解脫也答曰此

簡銳利明得有難易之殊何關簡得與不得
 耶此之七聖名真沙門沙門有二種一者直
 言沙門沙門即因也二者沙門那沙門那者
 果也沙門有八十九所謂見諦八忍思惟八
 十一無閔也就沙門那亦有八十九所謂見
 諦八智思惟八十一解脫也就沙門那復有



二種一有爲果八十九有爲果也二無爲果
八十九無爲果也此約智斷約智德明八十
九有爲果約斷德明八十九無爲果也略說
三藏教毗曇有門明七賢七聖位大意竟但
賢聖義多有所闡毗曇有門雖義無復是過
若欲分別其支派必須讀毗婆沙也問曰前

說乾慧之位實與舊解殊途次明性地見思
無學此與常人解釋未覺有異荅曰若乾慧
有異即性地見思無學皆悉異也譬如生人
死人若一身分是生一切身分皆悉是生若
一身分是死一切身分俱死死生之殊豈非
一切俱異今明乾慧若如生人則性地見思

無學皆如生人他明乾慧若如死人則性地
見思無學皆如死之復次今明乾慧若如死
人性地見思無學皆如死人他明乾慧如生
人性地見思無學皆如生人當用智斷合譬
始終名相如身身分何曾不同始終智斷如
生死之異何得不異其得此意者如人有目

卷二

二



日光明照見種種色其迷此意者如爲盲人
設燭何益無目者乎此應次明三藏教空門
入道二十七賢聖位諸信法二行即是兩賢
在方便道空門發真斷見惑未盡行即須陀
洹近向見惑盡名須陀洹果空解增明斷欲
界思惟一品乃至五品名斯陀含向斷六品

盡即是斯陀含果斷七品八品盡名阿那含
向欲界九品下分盡即是阿那含果阿那含
有十一種帶果行向即是阿羅漢向進斷上
二界思惟也非想九品盡即是阿羅漢果是
阿羅漢有九種賢人有二聖有二十五合有
二十七賢聖具出成論但事相煩多廢說摩

訶衍義毘勒門非空非有門經不委出論不
來此豈可謬有所判問曰兩門不度不可懸
判空門明義勝阿毗曇何故捨勝用劣荅曰
毗曇雖劣而是佛法根本是故佛去世後流
傳利物且又大乘經論破小用小多取毗曇
有門少用空門故須略出毗曇有門佛法根

本賢聖之位次也第二明三藏教辟支佛乘
位者三藏教詮生滅十二因緣之理明辟支
佛義亦應具有四門今但約薩婆多宗明有
門辟支佛乘位即為五意一翻譯二分別大
小三明宿緣四明觀法五料簡一翻譯者即
為二意一翻名二解釋一翻名者辟支迦羅

是天竺之言此土翻為緣覺此人宿世福德
神根勝利學十二因緣以悟道也二解釋者
大智論云緣覺有二種一獨覺二因緣覺一
明獨覺辟支迦羅者若佛不出世佛法已滅
是人先世因緣能獨出智慧不從他聞自以
智慧得道故名獨覺如大智論明有一國王

出園遊戲清旦見樹林花果鬱茂甚可愛樂時
王食已即便偃卧王諸綵女皆競採花毀折
林樹時王覺已見林毀壞內心覺悟一切世
間無常變壞皆亦如是思惟是已無漏道心
朗然開發斷諸結使成辟支迦羅具六神通
即飛到閑靜處山林清曠入深禪定受無爲

樂二明因緣覺者是人道根淳熟藉小因緣
而能覺悟也如見林環因此覺悟成辟支佛
大智論意似用此為因緣覺也今明因緣覺
者因聞十二因緣覺悟成辟支佛也十二因
緣有三種不同一者三世十二因緣二者二
世十二因緣三者一世十二因緣三世破斷

常二世破我一世破性也一明三世十二因
緣者過去二因現在五果現在三因未來二
果過去二因者謂無明行現在五果謂識名
色六入觸受現在三因者謂愛取有未來二
果者謂生老死憂悲苦聚是為二世合明十
二因緣是十二因緣有三種道一煩惱道二

業道三苦道是三道更互為因緣從無始已
來生死不絕至于今身若不修觀智未來流
轉憂悲苦惱無有邊際若修觀智則無明滅
乃至老死憂悲苦惱皆悉滅已譬如千年闇
室若不置之一燈其室方將永闇若置之一
燈則故闇皆滅新闇不生也若聞此十二因

緣發真無漏則無明滅乃至生老死憂悲苦
聚皆滅是名因緣覺也二次明二世二因
緣者出大集經備為來辟支佛人說也此十
二因緣現在有世未來有二有解現在有九
未來有三現在十者一無明大集經云何為
觀於無明先觀中陰入父母所生貪愛因緣

故四大和合精血二滯合成一滯大如豆子
名歌羅邏是歌羅邏有三事一命二識三煖過去世中
業緣感果無有作者又受者初息出入是
名無明歌羅邏時氣息入出有三種道所謂
隨母氣息上下七日一變息入出者名爲壽
命是名風道不臭不爛是名爲燻是中心意

名之為識善男子若有欲得辟支佛果者當
觀如是十二因緣一行者復觀三受因緣五
陰十二入十八界云何為觀隨於念心觀息
出入觀於內身處處肌肉筋骨髓腦如空中
雲是身內風亦復如是是有風能上有風能下
有風能滿有風能焦有風增長是故息之出

入名爲身行以出入息從覺觀生故名意行
和合出聲名口行也三者識三行因緣則有
識生故名爲識四名色者著識因緣則有四
陰及以色陰故名色五六入者五陰因緣
識行六處故名六入六觸者眼色相對故名
爲觸乃至意法皆亦如是七受者觸因緣故

念色至法名之爲受八愛貪著於色乃至於
法名之爲愛九取愛因緣故四方求覓名之
爲取十有者取因緣故受於後身故名爲有
此下二因緣屬未來也十一生者有因緣故
有生是名爲生十二老死生因緣故則老死
種種諸苦是名五陰十二入十八界十二因

緣之大樹若聞此因緣發真無漏亦名因緣
覺也備說具出大集經三次明一念十二因
緣者此但約現在隨一念起即具足十二因
緣亦出大集經為辟支佛人說此因緣也經
曰因眼見色而生愛心名為無明為愛造業
名之為行至心專念名識識色共行名為名

色六處生貪是爲六入因入求愛名之爲觸
念色至法名之爲愛若心貪著名之爲愛求
是等法名之爲取此等法生名之爲有次第
不斷名之爲生次第斷故名之爲死生死因
緣衆苦逼切名之爲惱乃至意法生貪亦復
如是是十二因緣一人一念悉皆具足若聞

此因緣心開意解發無漏慧亦名因緣覺也
瓔珞經又出十種十二二因緣若隨聞一種發
真無漏皆名因緣覺也今不備出故涅槃經
云譬如老人年百二十十不堪付金意在此也
問曰獨覺亦得悟上來所說諸因緣不荅曰
皆由前生之宿習也問曰若依三種因緣教

得無漏智即是稟教緣覺名利根聲聞云何
生聞等三慧耶又問何等爲生得慧何等爲
方便慧耶少荅二明分別大小不同者此二
種辟支迦羅皆有大小不同今明獨覺辟支
迦羅具有二種一者本是學人在人間生是
時無佛佛法已滅或須陀洹七生旣滿不受

八生自悟成道是人
不名為佛亦非羅漢
名曰小辟支迦羅
若論其道力或有不
如舍利弗等大羅漢
也二者大辟支迦羅
於二百劫中作功德
增長智慧得三十二
相分或三十一相或
三十相乃至一相於
九種阿羅漢中智慧
利勝於諸深法惣相
別相能

知能入久修習定常樂獨處有如是相名大
辟支迦羅也皆歷二種十二因緣十種十二
因緣分別小大也若因緣覺分別小大亦如
是三明宿緣者今此小大二種獨覺辟支迦
羅宿植不同或於前世若偏修性念處觀十
二因緣善根淳熟生無佛世因於遠離自然


天雨流芳

獨覺成小辟支迦羅也。若於宿世修性共二
種念處理事善根淳熟獨覺自悟具足三
八解脫及六神通成太辟支迦羅也。而其不
發四無閔辯者禪定是內證習因符慧而發
名義是外法故。雖有宿習而不得發。皆約三
種十二因緣十種十二因緣分別宿習因緣

也若生佛世間生滅十二因緣三藏之教即
發四辯還名羅漢在聲聞衆數猶如迦葉舍
利弗等皆是辟支根性也以亦名辟支佛若不
尔者那得次爲求辟支佛乘說十二因緣此
人設不值佛亦自得道故法華經云若人有
福曾供養佛志求勝法爲說緣覺皆因緣覺

也根性三種十種宿緣不同可知四明觀法
者十二因緣有二種一者觀屬愛十二因緣
二觀屬見十二因緣一觀屬愛十二因緣者
即為二意一推尋二觀破一推尋者是人聞
正因緣生滅之法信解分別覺一切屬愛煩
惱皆是十二因緣觀因緣入定欲息心達本

源求自然慧樂獨善寂修習定心得諸禪定
住此定中知屬愛煩惱即是無明逆順推尋
即見十二因緣云何逆推此貪愛因何而生
即知因受受因何生即知因觸如是觸因何
而生即知因六入六入因名色名色因識識
因於行行因無明過去一切煩惱也復順推



此愛愛能生取因取則成有業因此有業則
有未來二十五有生因生有老死憂悲苦
聚輪轉無際若因停心觀入深禪定如是逆
推尋或時見歌羅邏初受生乃至見過去身
起業煩惱乃至二生百千生也順尋取有若
因禪定之力或見未來一生二生乃至十百

千生若見過去未來事其心悲感道心精熟
轉復增感也二明觀破屬愛十二因緣者即
是性念處歷別觀十二因緣也性念處觀略
如前說所以者何若觀愛即汙穢五陰性念
處若觀受觸六入名色識即是觀果報無記
五陰性四念處若觀於行即是善不善五陰

性四念處若觀無明即是過去汙穢煩惱五
陰性四念處若觀於取即是現在汙穢五陰
性四念處若觀於有即是善不善五陰性四
念處若觀未來生老死即是報生無記性四
念處是則用四念處逆順觀察十二因緣破
四顛倒顛倒若滅即是無明一切煩惱滅以

無明滅故行滅乃至老死憂悲苦惱滅是明
性四念處歷別觀屬愛煩惱十二因緣之觀
也二次明觀破屬見煩惱十二因緣者亦爲
二意一者推尋二者觀破一推尋者若見神
及世間常無常亦常亦無常非常非無常是
則現在生身邊四見因此身邊四見生十四

天雨流芳

難六十二見此身邊四見即是四取逆順尋
此四取逆尋四取四取因四愛四愛因四受
四受因四觸四觸因四入四入因四名色四
名色因四識四識因四行四行因四種無明
復順尋四取四取能生四有此四有即受一
切二十五有生老死憂悲苦惱若因停心觀

得深禪定或見過去未來生事具如前說也
二明觀破因性四念處觀觀四取身邊四見
如是次第乃至無明破過去如去不如去亦
如去亦不如去非如去非不如去身邊二見
汙穢五陰也又順觀有四取乃至未來生死
破有邊無邊亦有邊亦無邊非有邊非無邊

身邊二見汗穢五陰若能如是用性四念處
破三世身邊二見之四見即破十四難六十
二見一切屬見煩惱一時皆滅是名無明滅
即行滅乃至老死憂悲苦惱皆滅若屬見煩
惱滅即還用前觀愛十二因緣性念處觀破
欲愛色愛無色愛皆滅是則三界煩惱業道

滅者名爲有餘涅槃若苦道滅者即是無餘
涅槃是名用性念處知慧觀十二因緣入涅槃
也性念處觀法略知前說故經云十二因
緣其義甚深難解難見意在此也如佛說大
涅槃經時有一外道名曰富那問世尊言瞿
曇汝云何令我知神及世間常乃至非常非

無常佛荅言汝若能畢故不造新即能知神
及世間常乃至非常非無常梵志即言我已
知竟佛問汝云何知梵志荅言故名無明新
名取有若知無明不起取有即知神及世間
者常乃至非常非無常是時梵志求哀出家
為佛弟子也又中論明聲聞經入第一義並

約觀十二因緣破六十二見入第一義若深
得此意不止破外道也若佛弟子學問坐禪
發種種見取著論起諸煩惱二十五有生
死之業皆是屬見十二因緣也覺知者能用
性念處檢破即得解脫其迷此者十二因緣
流轉生死無有邊際故中論云真法及說者

聽者難得故如是即生死非有邊無邊也共
念處緣念處助觀法二因因緣類前可知也五
明料簡者問曰若宿習自然覺悟者何須佛
為說十二因緣答白聞說則疾得不說自悟
少遲如果熟雖應自悟情若須急取薄搖即落
問曰辟支佛乘何意不制果答曰聲聞人鈍


故制果若辟支佛久習智慧神根利故不須
制果譬如二人共行其身羸者須止息處若
身強者直到所在故佛但說辟支佛道不立
果位也復次摠相斷結智慧麤故但除正使
名聲聞乘別相觀因緣智慧細故侵除習氣
名辟支佛復次聲聞鈍故先觀苦諦緣覺利

故先觀集諦也問曰聲聞念處別相為麤揔
相為勝今何故揔相為麤別相為勝荅曰還
用別揔歷別細觀十因緣故別為勝也復
次聲聞功德禪定力淺天眼極遠但見小千
國土辟支佛久種善根禪定力深若發天眼
乃過三千見他方世界略明三藏教有門緣

覺位竟空門如成論分別昆勒門非空非有
門論既不度則不可知也
四教義卷第三



弊七



佛曰經師曰論三藏元來尊後人長其有路通吾郡鑿
丁池留一月修一因堪果是以崇善本而誠請
佛寶大藏尊經全輪
君親萬彛下保和庶少康子
祖宗顯妣生天永降
寶之云者貴
大明嘉靖二十六年龍張永
高壇真識



天雨流芳

